

Emas kedua Republik

Berita Minggu - 9 DEC 1990

KUALA LUMPUR — Singapura memenangi sebutir lagi pingat emas dalam Kejohanan Silat Terbuka Malaysia, di Stadium Negara, lewat malam semalam.

Pingat emas itu dimenangi melalui Badariah Hosni, yang bertanding dalam Kelas B (50kg). Badariah mengalahkan finalis dari Brunei Darussalam, Noralam Pengiran Bakar.

Awal daripada ini, Sheik Alauddin Yaacob menggondol sebutir emas untuk Singapura dan empat pingat gangsa melalui oleh Talib Tambi, Hidayat Hosni, Refeah Rashid dan Rosewati Ali.

Sementara itu, Malaysia memungut lapan daripada 15 pingat emas yang dipertandingkan pada hari terakhir itu dan sekaligus keluar sebagai pemenang

keseleuruhan.

Malaysia A memungut tujuh pingat emas menerusi Sharuddin Kamaruddin (Kelas A — 45kg), Ahmad Wardi Salim (Kelas B — 50kg), Wan Adnan Wan Isa (Kelas E — 65kg), Zakariya Hamzah (Kelas H — 80kg), Ruizaidi Abdul Rahman (Kelas F — 70kg), dan dua peserta wanita Nazrah Abdul Latif (Kelas A — 45kg) dan Anum Adnan (Kelas D — 60kg).

Pesilat Shairuddin Mohamad Nor (Kelas C — 55kg) memungut pingat emas tunggal bagi Malaysia B. Shairuddin membuat keputusan mengejut menewaskan pesilat terbaik kejohanan nasional, Khairi Abdul Rahman dengan keputusan 3-2.

Indonesia pula memungut empat pingat emas diikuti oleh Singapura



BADARIAH: Atasi cabaran finalis Brunei.

(dua) dan Jerman memungut sebutir emas menerusi Mewis Andre (Kelas G — 75kg).

Juara Eropah Kelas D lelaki, Linhart Eduard dari Austria juga kalah tipis kepada peserta Indonesia A.M. Prastyo. — Bernama.

Perkampungan Silat II pada 23 Disember

PERSATUAN Wanita dan Teruna (Perwanit) dan Persaudaraan Panca Sakti dengan kerjasama Ikatan Guru-guru dan Jurulatih Pencak Silat Singapura akan menganjurkan Perkampungan Silat II pada 23 Disember ini. **10 DEC 1990**

Ia akan diadakan di kawasan Persatuan Jurulatih Seni Pertahanan Diri Singapura (SMAIA), Kallang, dari 9 pagi hingga 6 petang.

Antara acara yang sedang disusun ialah pertandingan silat olahraga dan pertandingan silat kesenian.

Di samping itu, acara lain seperti pameran antidadah dan silat-silat setempat, bola-sepak, sepaktakraw/sepak raga, bola jaring dan *telematch* serta gerai kuih muih akan diadakan.

Perkampungan itu akan dibuka oleh Setiausaha Parlimen (Ehwal Luar), Encik Yaitiman Yusof, dan ditutup oleh Setiausaha Politik (Ehwal Dalam Negeri), Encik Harun A. Ghani.